

ԱՌՈՎԵԱՆ ԵՒ ՀԱՔՍՏՀԱՌՈՒՋԷՆ

Գրեց՝ ԱՐՏ. ԱՐԵՂԵԱՆ

I

Շուտով կը լրանայ հարիւր տարին այն օրուանից, երբ Արեւելեան Հայաստանի սիրտը կազմող Այրարատեան Աշխարհը Պարսկաստանից ոռոտական տիրապետութեան տակ անցաւ:

Պարսիկ Շահերի օրով «Երեւանի ու Նախիջևանի խանութիւններ» անունով ծանօթ այդ երկրամասերն էին, որոնք ոռոտերի կողմից միացուելով՝ սկիզբը «Հայկական Շրջան» կոչուեցին, կցուելով որպէս վարչական առանձին միաւոր Ռուսիոյ անդրկովկասեան կալուածներին:

Դրանից առաջ արդէն, նոյն տարիի սկիզբներին, ոռոտերը գրաւել էին Արեւելեան Հայաստանի լեռնային երկրամասերը՝ Գուգարք եւ Արցախ, որոնք սակայն դուրս էին մտնում նորանուած «Հայկական Շրջան»ի սահմաններից:

Այս անունը արդէն երկար ժամանակ գործածութեան մէջ չմնաց, անգամ Երեւանի ու Նախիջևանի համար: Նա տեղի տուաւ Նահանգային եւ Գաւառային վարչական նոր բանումներին:

Այսպէս կամ այնպէս, Այրարատեան Դաշտը Երեւան եւ Էջմիածին կենտրոններով, արդէն որպէս Հայաստան սկսեց գրաւել եւրոպացի զիտունների եւ ճամբորդների ուշադրութիւնը: Հայ քաղաքակրթութեան եւ պատմութեան այդ եւ միւս կենտրոններն էին, ինչպէս նաեւ մեր վեհափառ Ազատ Մասիսը, եւրոպացիների Նոյեան Արարատը, որ դէպի իրենց գրաւել սկսեցին օտարներին եւ դարձան ուսումնասիրութեանց ու նկարագրութեանց առարկաներ:

Դորպատի համալսարանի ուսուցչապետ Ֆրիդրիխ Պարբոտին էր վիճակուած՝ այդ ճամբու վրայ ուսնելիւն լինելու: Նա էր, որ առաջին անգամ Մասիս սարի կատարին ոտք դնելու բարեբախտութիւնը եւս ունեցաւ: Լաւ էր որ այդ օտար մարդու հետ էր նաեւ երկրի

ընիկ տիրոջ՝ հայ ժողովուրդի ընտրելագոյն գաւազներէից մէկը — Խաչատուր Արովեան:

Պարբոտին հետեւեցին եւրոպացի ու մանաւանդ գերմանացի մի շարք ակնաւոր ճամբորդներ՝ Գոթ, Վագնէր, Դիւրուա, Բոտէնըշտէդա, Աբիխ, Հաքսհաուզէն եւ ուրիշ-րիշներ:

19-րդ դարի այս եւ մի քանի ուրիշ ճամբորդներ Հայաստան աշխարհ էին դիմում գաւազան առաջադրութիւններով: Ո՛րը Հայաստանի բնութիւնն էր ուզում ուսումնասիրել եւ մանաւանդ Մասիս սարը բարձրանալ. ո՛րը պատմական եւ աշխարհագրական ուսումնասիրութեանց համար էր ուզում նիւթեր հաւաքել. ո՛րն էլ մատենագրական-բանասիրական նախասիրութիւններ ունէր:

Դրանք բոլորը միայն Հայաստանը չէր որ իրենց ուշադրութեան առարկան էին դարձնում-այլ ամբողջ Անդրկովկասը: Բայց եւ այնպէս նկատելի է, որ առաջին ճամբորդները գրեթէ բոլորն էլ մի յատուկ հետաքրքրութիւն են ցոյց տալիս դէպի Հայաստանը:

Մասիս սարը մի կողմից, Էջմիածինը եւ մեր միւս հնութիւնները միւս կողմից առանձնապէս գրաւում էին ամէնքին: Դրան նպաստում էր անտարակոյս եւ այն պարագան, որ հայ ժողովուրդի քաղաքակրթական անցեալը, նրա պատմական դերը բաղդատաբար աւելի էին ուսումնասիրուած ու ծանօթ եւրոպացիներին, քան՝ մեր դրացիներից որեւէ մէկինը:

Այդ մասնակի հետաքրքրութեանը ոչ նրուազ չափով նպաստել է նաեւ Խաչատուր Արովեանի անձնաւորութիւնը: Ծանօթ եւրոպական լեզուներին եւ մանաւանդ գերմաներէնին, եւրոպական նոր քաղաքակրթութեան առաջին ուսնելիւն հայկական հողի վրայ՝ Արովեան զիւրացնում է օտար զիտունների աշխատանքները մեր երկրում — թէ՛ խօսքով եւ թէ՛ գործով: Նա գրեթէ բոլոր այդ մեծ ճամբորդների ուղեկիցն է եղել, նրանց թարգմանը եւ անըպառ նիւթ մատակարարողը: Արովեան նրանց